

大集須彌藏經

籍

上

九十七  
吊九

47743



元祿九年丙子二月日重修

皇圖鞏固 帝業永昌

佛日增輝 懋輪常轉

山城州天安寺法金剛院置

11  
12



大集須彌藏經卷上

高齊那連提耶舍共法智譯

帛揚茂

須彌藏分第十五

聲聞品第一

南無十方一切諸佛

如是我聞一時娑伽婆在佉羅帝山依牟尼

仙住處與大聲聞眾過出眾數一切皆是佛

大弟子與大菩薩眾無量無邊悉從十方諸

佛世界而來集會次第究竟梵翼記分介時

眾中去佛不遠有功德天住於佛前為聽法

故即從座起合掌向佛而白佛言大德娑伽

婆有諸菩薩以施福船般渡生死海何以故





此佛世界五濁極穢多有衆生功德智慧悉  
皆減少以是因緣故菩薩摩訶薩於此衆生  
起大悲心又此衆生說無因輪資財乏短勤  
苦追求而不能得此諸菩薩若不行施不能  
化彼罪惡衆生是故諸菩薩作如是念我今  
被檀度鎧起大精進汎施舩般越生死海是  
諸菩薩摩訶薩修行布施福德之事今入諸  
佛無上大海乃至獲得最上灌頂法王之位  
卅尊復有衆生計存常見廣之資財苦身求  
索亦不能得菩薩若不修行戒施則不成熟  
彼諸衆生是故菩薩摩訶薩於計常衆生起  
大悲心復作是念我當化彼計常衆生我以



如是持戒鎧般欲度生死大海乃至得受灌  
頂法王之位是諸菩薩以持戒福事行及十  
善道成熟衆生今入無上諸佛大海乃至安  
置灌頂法王之位卅尊此復有衆生行十善  
道而不清淨於殺盜婬乃至貪瞋等身見衆  
生福德智慧減少故資財乏短勤苦追求亦  
不能得被諸衆生若不以出家清淨戒無以  
成熟是故菩薩摩訶薩於彼殺盜婬妄語兩  
舌惡口綺語貪瞋等身見惡行衆生所起大  
悲心以無常方便令諸衆生入佛法中以出  
家戒成熟衆生此即是我忍進鉀胄是出家  
戒即爲船般度生死海以是緣故菩薩摩訶

薩以持戒福德及無常方便教化成熟出家  
律儀戒衆生彼菩薩以是業故乃至令入無  
上諸佛大海乃至安置灌頂法王之位菩薩  
摩訶薩便自能入無上諸佛大海尔時功德  
天白佛言大德婆伽婆云何菩薩摩訶薩最  
初修學禪波羅蜜本業學已知諸禪分能出  
欲界断除五支成就五支於四神足遊戲神  
通善能往詣一切佛刹迅疾如電於一切佛  
所供養聽法為竭衆生三種道故何等為三  
謂業道煩惱道苦道滿足禪波羅蜜云何滿  
足禪波羅蜜具足六波羅蜜滿足六波羅蜜  
已速得阿耨多羅三藐三菩提佛言善哉善



哉清淨智汝清淨智於此法中以為疲勞滿  
此法行為衆生故能於如來應正遍知所問  
於此義汝清淨智當至心聽善思念之我今  
為汝分別演說功德天言如是世尊我當聽  
受唯願說之於是世尊告功德天言清淨智  
如汝所問云何菩薩摩訶薩最初修學禪波  
羅蜜本業學已知於禪分能過欲界除斷五  
支成就五支於四神足遊戲神通善能往詣  
一切佛刹迅疾如電於一切佛所供養聽法  
為竭衆生三種道故何等為三謂業道煩惱  
道苦道能生修道所作福事滿足禪波羅蜜  
禪波羅蜜滿足故具足六波羅蜜滿足六波

羅蜜已速得阿耨多羅三藐三菩提清淨智  
此菩薩摩訶薩初修禪定於一切出入息相  
係心緣念彼菩薩摩訶薩以不亂心出息入  
息隨入息觸心彼入息觸心者名為覺隨出  
息觸心隨出息觸心者名為觀乃至喜樂一  
心不亂心將出欲界離於覺觀斷除貪欲及  
瞋恚蓋伏一切惡法得於初禪有覺有觀彼  
時即有如是相起一切身分悉皆震動充遍  
於身若菩薩增上勇猛係念專住彼時便能  
滅於覺觀喜樂一心得第二禪為除喜過精  
勤不止既滅喜已得第三禪樂菩薩亦時其  
身適樂猶如煖乳以灌身體得希有樂如天



身想彼得成就如是勝樂於三寶中得增上  
信心復作是念我為利益一切衆生被服大  
鎧勤修禪定我今應捨身樂彼菩薩摩訶薩  
止出入息捨相續攀緣心係意鼻端於出入  
息住心觀察又觀彼心刹那散壞知生知滅  
又知彼心刹那相應散壞無生如水中月如  
光影如陽炎如電心意識一切陰界入知已  
是故棄捨身樂思念彼法生滅入第四禪余  
時即有如是相起菩薩雖復閉目如大日光  
照見明了彼菩薩作是念以此攀緣光明相  
故一切衆生陰界入不斷增長熾然我今應  
當心念止於攀緣光明彼復於此以滅方便

捨受想思觸憶集生滅入勝清淨善寂滅城  
任止身口意業彼菩薩還從定起取出入息  
相觀觸念想還入空定從空定起復觀出入  
息生滅攀緣相便入無願三昧從無願三昧起  
見出入息寂滅住無相定如是則能修滿四  
念處乃至三解脫門彼菩薩以觀出入息生  
滅觀於滅故修四正勤滿足彼菩薩以觀出  
入息出沒相便能具修滿四神足彼觀出入  
息故即能散壞其身猶如窻塵亦時即得修  
滿五根以出入息出沒方便觀察三行如是  
便能修滿五力彼以除出入息受相方便觀  
察除寂滅如是修七菩提分滿足彼以出入



息風方便念散壞一切大地界及一切色悉  
皆無餘彼無有相無有語言無有狀貌無有  
假名三行寂靜極寂靜寂滅得無緣三昧此  
如是名遊戲禪定禪波羅蜜本業諸菩薩摩  
訶薩共一切聲聞辟支佛禪本業若住於此  
以下精進或證須陀洹果或斯陀含果阿那  
含果或乃至任阿羅漢果若菩薩堅固精進  
大悲心願念一切衆生無量福德智慧聚為  
之疲勞彼菩薩摩訶薩於如是禪本業遊戲  
三昧方便安住不退阿耨多羅三藐三菩提  
不墮聲聞決定聚中不捨禪定本業大鎧彼  
菩薩摩訶薩滿足禪波羅蜜滿足禪波羅蜜

已便能滿足六波羅蜜清淨智乃至若國土  
中或比丘比丘尼優婆塞優婆夷欲趣聲聞  
乘欲趣緣覺乘或趣大乘或善男子善女人  
於如是禪本業遊戲三昧係念思惟者隨所  
任處彼國土一切天王常善守護一切龍王  
一切夜叉王一切阿脩羅王一切緊那羅王  
一切摩睺羅伽王一切餓鬼王一切毗舍闍  
王一切羅刹王等當善護彼國若國土中有  
如是禪相應福田住者彼國土彼刹利王得  
十種可愛樂法何等為十一者安隱滅一切  
患二者長命三者得上妙色四者皮膚鮮軟  
五者支節可愛六者得善眷屬七者能修善



業八者係念慈悲方便九者恒與名稱福器  
相應十者命終生於天上是爲十又彼國土  
復得成就十種殊勝利益何等爲十一者不  
爲自賊他賊之所劫害二者亦無惡賊毒獸  
蚊蚋蝗蟲等三者無有旱潦及非時風雨寒  
熱等觸四者土地平正無諸丘墟谿澗嶮壙  
五者彼國一切種子五穀諸藥草木林泉薈  
蔚茂盛無諸辛苦澁惡等味華果六者無諸  
惡聲鬪諍反逆飢饉病患及非時死七者彼  
國衆生長命端正適樂豐盈無穢濁心遊戲  
快樂如法修行生於天上八者其國土中諸  
福田器之所依住愛樂隨順禪定三昧九者

彼國衆生飲食所須悉皆無乏上妙可愛資  
成四大稱順根性增長無違十者其土人民  
勇建強記有慈悲心命終生天清淨智此十  
種法善能莊嚴於彼國土清淨智此菩薩摩  
訶薩以業障礙捨離大乘住聲聞地違化衆  
生此是聲聞禪波羅蜜遊戲三昧聲聞以此  
了知滿足禪分出三界窟宅及諸有縛斷除  
五支成就五支越過三界住無學地遊戲神  
通到八解脫禪定彼岸一劫修行得爲一切  
諸佛之子從佛口生從法化生彼雖如是猶  
故不能往諸佛土供養諸佛從佛聽法亦復  
不能干竭衆生三種道若能如是遊戲三昧



者隨其所任國土獲得如上大功德利。

大方等大集經第十五分須彌藏中聲聞品竟

大集經須彌藏分第十五菩薩禪品第二

尔時佛告功德天言清淨智云何菩薩摩訶  
薩不共一切聲聞辟支佛禪波羅蜜本業差別  
別滿足若菩薩摩訶薩滿足禪波羅蜜已便

能滿足餘五波羅蜜清淨智此菩薩摩訶薩  
於一切出入息中及五受陰觀其生滅既觀  
察已消竭渴愛不墮聲聞決定聚中於四神  
足遊戲神通善能往詣一切佛刹迅疾如電  
於諸佛所供養聽法乾竭一切衆生三道謂  
煩惱道業道苦道雖出欲界而不捨欲界為

化衆生故現生諸趣不爲胎染斷除衆生煩惱羅網然於衆生而無所得清淨智此菩薩摩訶薩隨出入息各各別觀但新非故如實了知如是出入息中色受陰如實了知受想行陰亦如實了知如是出入息中識受陰如實了知於出息異入息異知出息異知入息異知入息異中受想思觸念知出息異中受想思觸念亦如是入息受時非出息受時非入息受如是三有輪轉受想思觸念因緣故相續不斷灑生死海而不能渡數數生老死已還生不能如實覺知此法不能如實出彼生死於出入息不能如實覺察復次如



是出入息於九瘡門出入往來如是九十九  
那由他百千毛孔門一切皆悉息出息入而  
於九十九那由他百千毛孔不增不減不能  
覺知非過去非未來非初非中非後不知住  
不知出復作是念我今一切毛孔出息入息  
生滅方便應與生滅相相應住是菩薩摩訶  
薩隨九瘡門出息入息生滅觀察如是九十  
九那由他百千毛孔門一一毛孔中觀察出  
入息生滅觀察出入息生滅相應住若菩薩  
欲觀毛孔小相但見毛端息從往來即能見  
小若欲見大便能得見如芥子許若欲得見  
如菴摩勒果許即能得見若欲得見頻螺果

許亦即能見若欲得見一由旬千由旬乃至  
一四天下一一毛孔而觀察之隨欲見廣即  
能見廣彼時菩薩作如是念衆生以眼迷惑  
係縛生死相續不斷漂生死流受種種苦彼  
菩薩復作是念我今棄捨一切色想已得無  
言三昧非諸聲聞辟支佛地於彼地界亦無  
所得水界火界風界虛空界識界亦無所得  
不行陰界入非前際非後際非此世非他世  
非善業報非惡業報非生非滅非有煩惱非  
離煩惱無有所得菩薩如是住寂滅住彼若  
欲得於無量劫於此一切法無語言空三昧  
若住若加菩薩如是自智加持三昧力故便



能於此一切法無語言空三昧無量劫住亦  
能滿足六波羅蜜爲成就衆生因緣故清淨  
智如是地藏菩薩摩訶薩於此一切法無語  
言空三昧到自在彼岸是菩薩若欲入此三  
昧時以福德智慧力爲成熟衆生故先作是  
願乃至我未出三昧已來於此時中欲令此  
國土境界及四天下此佛世界一切衆生諸  
有所須資生之具隨其相貌隨其多少隨其  
所樂所謂飲食衣服卧具瓔珞莊嚴之具園  
林屋宅形色狀身支節身分可愛色聲香味  
觸等欲見如是等事是時菩薩便入此三昧  
菩薩入此三昧已隨其時節於此佛世界四

天下一切衆生如上所說所須之具便得充足或復作是念隨我住定時節遠近隨諸衆生多少分齊欲除衆生身心之病謂風黃歛等分之病或人所作如是欲滅貪瞋癡等煩惱諸病及滅十不善業今住十善業道中便即入此三昧彼菩薩摩訶薩隨其住定時節久近隨其所爲多少衆生如上所說身心病苦悉皆除滅又菩薩復作是願隨我住定時節已來欲滅地獄種種諸苦畜生之中互相殘食等苦閻魔羅界飢渴等苦及寒熱苦怨憎會苦愛別離苦求不得苦隨願分齊令諸衆生離一切苦惱及不善法成就一切



善法令諸衆生慈心相向生利益心不動心  
無怨心無諍心無鬪訟心哀愍心乃至禪正  
受善任心不迷惑心及滅衆生愚惑之心又  
滅衆生常見斷見及諸見聚於三寶所恭敬  
供養生希有心令諸衆生離四顛倒住四不  
顛倒於四聖諦及第一義諦心善安住如是  
菩薩福德智慧善巧方便力之所加持菩薩  
亦時爲化衆生因緣故欲入三昧乃至未出  
三昧已來令此國土及閻浮提四天下乃至  
此一佛刹所有衆生隨其分齊安樂之事如  
上所說欲令獲得然後入於無語言一切法  
空三昧彼菩薩摩訶薩入此三昧時間乃至

佛刹隨所要期衆生分齊彼菩薩以福德智  
慧三昧力故隨任定時如上所說種種資生  
及諸樂具乃至未出定來今諸衆生悉皆獲  
得彼菩薩入此定時無有身苦心苦亦無飢  
渴火不能燒水不能漂乃至劫火所不能害  
及以劫水亦不能爛不爲風災之所散壞又  
復不爲疫病飢饉刀兵等劫盡其命根欲取  
滅度隨意自在又人非人毒風暴熱不能侵  
惱又彼菩薩在定未起隨其所念欲令無量  
佛刹入一微塵又復十方國土一切諸佛及  
大菩薩聲聞眷屬於一爪甲悉能得見今無  
遺餘又令一切衆生入一毛孔而彼衆生於



自境界悉見如故又十方世界無量佛刹所  
有諸風菩薩悉令入一毛端隨風境界遊行  
虛空廣陋去來無諸障礙於彼毛端亦無增  
減如本不異又十方一切諸佛世界所有水  
界菩薩能令入一豆糲隨水廣陋流注往來  
亦無障礙於彼豆糲而無增減又彼菩薩不  
復處胎除自願力不生惡趣不受女形不生  
下劣諸根具足終不缺減身口意行無有過  
失亦不生於無佛世界除自願力爲化衆生  
是菩薩常不遠離見佛聞法供侍衆僧亦不  
遠離福德智慧無畏方便教化衆生乃至入  
於無上涅槃如是清淨智彼菩薩摩訶薩被

於如是大堅固鎧最初修習禪波羅蜜本業  
能過欲界了知禪分斷除五支成就五支乃  
至遊戲於四神足善能往詣一切佛刹迅疾  
如電供養一切諸佛聽聞正法干竭衆生所  
有三道所謂煩惱道業道苦道如是清淨智  
菩薩摩訶薩滿足禪波羅蜜已便能滿足六  
波羅蜜滿足六波羅蜜已速得阿耨多羅三  
藐三菩提爾時世尊說是禪波羅蜜本業時  
於彼衆中五萬衆生曾於過去修行此法是  
故今得無生法忍八萬四千菩薩得首楞嚴  
三昧九萬九千菩薩得滿足禪波羅蜜無量  
無邊衆生發未曾發無上菩提心發是心已



住不退轉地

大方等大集經第十五分須彌藏中菩薩禪波羅蜜本業品竟

大集須彌藏分第十六滅非時風雨品第三

於時地藏菩薩摩訶薩告功德天言清淨智  
汝今當觀此四天下端嚴殊妙一切菩薩所

應供養憶念守護於其長夜應當恭敬今釋  
迦牟尼佛集一切菩薩摩訶薩故顯示一切  
菩提道行不退轉輪究竟善巧方便佛灌頂  
地乃至汝行檀波羅蜜滿足最上不退轉行  
若汝於如是最上福田以諸飲食而修供養  
以此精勤速能滿足六波羅蜜滿足六波羅





以偈頌問其父曰

父今何故勤心不下捨其事業及自身命

爲護衆生勇猛增勤何故此身不取滅度

尔時光無垢德復以偈頌而報子言

吾見世苦極迷衆生生老病死之所逼迫

煩惱火熾沉流惡道故我勇猛欲滅彼火

又智減少不見未來墮生死河極重惡處

對於惡道迷失正路爲救渡彼故我修行

又不能成布施調攝而常遠離人天安樂

於善知識常相乖背願示衆生出世要路

煩惱獄中常係衆生無有眼目復無救者

執著惡見敢食血肉爲除彼故故我修行

我於衆生 如是悲念 爲一人 住阿鼻獄  
具受種種 尤劇苦惱 如爲一人 衆多亦然  
我不樂求 聲聞智慧 及緣覺智 亦不願求  
唯求無上 最勝智慧 子今當知 我行勝道  
乃至無量 恒河沙數 苦惱衆生 未脫苦來  
爲欲渡彼 諸衆生故 我終不取 菩提正覺  
汝今當知 亦應如是 於諸衆生 常應起悲  
應常勇猛 修行善法 以此迴向 無上聖道  
煩惱火中 救脫衆生 汝應勇猛 何極苦惱  
應當修行 布施調柔 得成佛道 無有疑也  
若我得成 無上菩提 汝於衆生 給施飲食  
我時授汝 勝菩提記 汝當安住 堅固誓願



尔時功德天語地藏菩薩摩訶薩言善男子  
我於尔時於因陀羅幢相王佛所作如是願  
乃至我住世間隨其久近種種精勤難行苦  
行布施調伏禁攝放逸及諸禪定營助衆事  
多聞捨行皆悉修習所有種種難捨能捨如  
是我父於當來世世人壽一百歲煩惱怨諍穢濁  
迷惑惡世界中成阿耨多羅三藐三菩提我  
於彼國中現為功德主於釋迦牟尼佛境界  
衆生及其眷屬得施無上衣服飲食資身之  
具即於釋迦牟尼佛前得受阿耨多羅三藐  
三菩提記若彼土衆生暴惡麤曠無慈愍心  
亦無反復惡行惡心成就如是種種諸惡風

雨不時或復旱潦寒熱不調作諸災變衆生  
所有諸華果實五穀藥草及諸美味悉皆殞  
滅奪其精氣衆生資產皆悉衰耗而作闇冥  
願我今時於彼衆生福德加被智慧威力悉  
令遮止生其信心又令衆生資生不乏不令  
行惡增長善法佛所應度受化衆生紹三寶

性使不斷絕勢力增盛又令我得依報自在  
教化衆生令得阿耨多羅三藐三善提我今  
佛前所發誓願於未來世得滿足者唯願印  
可賜言善哉今時因陀羅幢相王佛即便印  
可讚言善哉善哉善男子如汝所願必得滿  
足又善男子我當施汝作世水宅心陀羅尼



汝以此陁羅尼心能成就衆多衆生又令無  
量衆生豐足資生果報無乏又能度於煩惱  
暴流即說呪曰

多地耶他

闍藍婆

摩訶闍藍婆

阿奴

呵闍藍婆

娑囉闍藍婆

郁伽闍藍婆

夜叉毗梨闍藍婆

那伽毗梨闍藍婆優羅

伽毗梨

闍藍婆河薩帝鼻梨闍藍婆

阿

輸婆比

利闍藍婆

摩嗟比

梨闍藍婆

曼厨迦比梨闍婆

佉目羅比梨闍藍婆

崩起比梨闍藍婆阿摩比梨闍藍婆

蘇脂

目佉闍藍婆

婆摩囉婆摩囉闍藍婆摩囉

比闍迦茶鉢多囉布疏波頗藍婆

素义梨牛婆素

達摩耶若反耶比利使致搔醯藍婆伽古步上羅

婆窮去 窮婆羅窮頻頭窮 婆羅閣比

娑婆呵

是陀羅尼句若為他人及自己身稱其名号  
為誦此陀羅尼一切怖畏一切殃禍悉皆消  
滅善男子此作世水宅心陀羅尼汝若以此  
心陀羅尼便能成就衆多衆生汝善男子我  
曾於彼因陀羅幢相王佛所受持此作世水  
宅心陀羅尼於彼佛所種種供養持戒多聞  
布施精勤從是以來復於十千佛所增進如  
是願行以此善根今於賢劫中得大功德處  
念猶不堪成此大業何以故從曾以來無量



惡龍及夜叉羅刹阿脩羅鳩槃荼餓鬼毗舍  
遮等出生世間於諸衆生毒惡凶暴無信無  
悲無慈愍心行於惡法非時風雨旱潦灾雹  
寒熱不調種種返逆自軍他軍怨憎鬪諍熱  
風暴起不願來世是諸衆生於彼過去諸佛  
之所加持作世水宅心隨羅尼不生信樂彼  
惡衆生不信樂故於諸種子芽莖枝葉華果  
美味五穀藥草及諸資生破滅毀壞奪其精  
氣於諸地味放毒氣吹以是毒氣令其地味  
雜毒澀惡雜病無膩臭穢無味令此大地  
作如是等由是因緣衆生不樂若依地味衆  
生食此種子芽莖枝葉華果諸味五穀藥草

資身之具者便生惡心剛礦毒惡於諸衆生  
無悲愍心不顧後世爲諸病所逼身色麁惡  
種種煩惱諸苦所害具足惡見住邪歸依於  
三寶所不生信樂尊重恭敬希有之心乃至  
禽獸亦復執於種種惡見迷失本道諂曲無  
實但有口言彼諸衆生於三寶中身口心意  
違失善法破戒比丘不能禁攝於彼持戒任  
放相應辯才大德諸比丘所常生遠離不能  
親近罵詈毀謗輕弄惱亂稱揚其過遠離慚  
愧離十善道心不愛樂一切善行起遠離心  
尔時衆生遠離福智壽命短促趣向惡道是  
故我今於彼衆生不能令其豐足所須亦復



不能成熟衆生汝於今者是大丈夫於正法  
中而得自在智慧善巧又汝已度一切三昧  
隨羅尼忍善能觀察智慧彼岸慈悲莊嚴通  
智彼岸汝悉已度又汝於彼諸菩薩中爲最  
勝幢已能成就一切衆生汝今爲我應當於  
此四天下中起悲愍心自智觀察云何能令

此四天下諸惡毒龍夜叉羅刹阿修羅鳩槃  
荼餓鬼毗舍遮迦吒富單那等一切惡鬼皆  
悉降伏風雨順時水旱調適秋實豐茂寒溫  
和平以是因緣令諸地味增長勢力氣味香  
美食用無患增益念力色白充潤甚可愛樂  
稱意之事皆出於世依此大地諸衆生等食

用無過增長念力如上所說

余時地藏菩薩告功德天言清淨智我今能  
令此佛刹土所有四大普遍無餘悉能令變  
爲天飲食使諸衆生於百千劫食不能盡何  
以故但此衆生薄福德故所不能食於此勝  
報非其應器清淨智我又能令此娑婆佛刹  
變爲天宮及天卧具莊嚴衣服香華果樹種  
種音聲衆妙伎樂衆寶莊嚴悉能爲作此諸  
衆生遠離福德又非其器不堪受用唯除如  
來應正遍知十住菩薩及住首楞嚴三昧得  
自在者乃能受用清淨智又我能令一切衆  
生置第四禪令無有餘豈可不能降伏毒龍



富單那等又我不應佛未聽許而現神變譬  
如轉輪聖王主兵藏臣不奉王教而發四兵  
無有是處如是菩薩悉是佛子從佛心生從  
佛口生從法化生是故一切諸菩薩等無有  
不請如來而現神變清淨智復有陀羅尼輪  
名水風摩尼宮集一切呪術章句建立一切  
三世諸佛三寶之性清淨智汝今可問如來  
水風摩尼宮大陀羅尼輪集一切呪術章句  
若佛說者我亦隨喜汝等若能受持此陀羅  
尼者一切所願皆悉滿足尔時大功德天女  
與大辯天女大堅固天女作光大天女可喜  
天女安隱天女多摩羅堅固天女明星主天

女奢摩天女頗梨天女如是等上首天女八  
万四千那由他百千大衆前後圍遶從座而  
起合掌向佛時功德天女即於佛前而說偈言  
能滅極惡濁煩惱  
我等渴仰陀羅尼  
牟尼說寂無穢濁  
令脩羅等得淨心  
能除寒熱暴風雨  
令食穀藥果味等  
滅除毒害諸惡見  
或奪精氣多煩惱  
此諸天等於牟尼

離垢無垢清淨行  
唯願演說揔持輪  
三寶熾然最勝句  
增長地味無毒惡  
願說守護奪精氣  
強記除患修善行  
歸信最勝無上法  
云何教化此衆生  
希求最上甚深妙



顯示趣向菩提道

令諸衆生入大乘

大衆雲集果願滿

十方菩薩讚佛德

云何降伏諸惡龍

雨澤調適苗稼茂

尔時佛告功德天言清淨智此大陁羅尼諸

佛如來時乃說之如來今於大衆會前而自

要誓此水風摩尼宮陁羅尼輪一切十方三

世諸佛之所加持今當顯示一切十方諸來

菩薩得聞此者彼諸菩薩能任十方無佛國

土五濁世中能顯示此水風摩尼宮陁羅尼

輪以此陁羅尼力故其國所有非時風熱寒

温旱潦悉皆除滅由此陁羅尼故令彼毒惡

無慈愍衆生不願來世謂天龍夜叉羅刹阿

脩羅迦樓羅緊那羅摩睺羅伽鳩槃荼餓鬼  
毗舍遮富單那迦吒富單那人非人等乃至  
禽獸得信樂心柔和輒善念力善巧樂求正  
法護持正法紹三寶種以此陁羅尼力故彼  
佛刹土所有衆生增長長壽命增長長身色增長  
五穀增長長資負生增長安樂增長無患增長名  
譽增長持戒增長多聞增長布施增長慈悲  
增長智慧增長方便增長三昧增長陁羅尼  
增長地觀增長樂出出增長化衆生增長入  
大乘增長勝願增長地地轉入增長觀察陰  
界入增長慚愧增長攝功德莊嚴佛土增長  
六波羅蜜行增長一切十方諸佛常所護念



增長值遇佛一切菩薩善友增長遊戲神足  
增長壞一切煩惱不令增長增長神通渡於  
彼岸不令退減一切善法乃至無上涅槃即

說呪曰

多地他

蘇婆羅

婆羅疋

那耶婆羅疋

制<sub>平聲</sub>沙吒婆羅疋

阿那婆羅疋

奢婆多

曷

囉婆羅疋

奢囉拏婆羅疋

鳩牟尼

婆羅疋

珊支囉婆羅疋

制<sub>平聲</sub>隋娑羅婆

羅疋

娑羅婆羅疋

娑羅鉢利訶利

娑

羅婆羅多

<sub>上聲</sub>鉢利訶利

那耶鉢利訶利

婢毗迦鉢利訶利耶若鉢利訶利

蘇婆羅

鉢利訶利頻頭鉢利訶利

闍羅鉢利訶利

憇多羅鉢利訶利 特义鉢利訶利 珊尼

摩鉢利訶利 蘇婆婆鉢提犁 劬摩耶婆

未陀索谿 阿那耶波盧誓 迷羅跋迷

阿羅那求師佉羅毗闍鞞 那羅延拏婢諶

林鞞 夏羅伽阿尼弥筵 宮闍囉婆胡迷

訶闍債鞞 羯摩毗羅犁 舍羅摩拏娑離

犁 佉曷羅伽奢迷 阿斯那迷 阿耆尼

鉢疋利 能求躄鼻犁婆耶遮婆留尼 捷

咍債鞞犁釋迦囉是若移 阿那鷄提 帝

利 那耶 娜尼利帝利耶頭婆佛阿訶地

子瑟癡帝 莎婆訶 使此國天子及其眷

屬悉皆吉祥莎呵 那羅延拏 尼羅移莎



呵 斫迦囉吠多迦囉迷 莎婆呵

說此水風摩尼宮陀羅尼輪一切呪術章句  
時一切佛刹所有大地六種震動諸來大眾  
戰慄不安心驚恐怖同聲唱言南無南無佛  
陀耶尔時佛告功德天言清淨智汝以此水  
風摩尼宮陀羅尼輪力能除一切闔諍一切  
毒害夜叉羅刹脩羅惡龍乃至人非人等及  
諸禽獸一切非時風熱寒冷灾雲旱潦等過  
悉皆消滅清淨智此陀羅尼能令五穀悉皆  
成好令諸衆生增益壽命增長果報乃至增  
長一切善法未入無上涅槃已來不令失壞  
若聞此陀羅尼受持讀誦如說行者彼人必

定趣於涅槃安住三界尔時地藏菩薩白佛  
言世尊我亦欲說磨刀大陀羅尼以此陀羅  
尼力令一切衆果報所湏及以地味悉無減  
損無能毀奪地之精氣又亦無能放毒氣者  
亦復無能壞其美味不能令其變爲澀惡亦  
復不能令其隱沒亦復不能令此大地不生  
五穀芽莖枝葉花果藥草亦復不能奪其精  
氣又復不令有其毒氣亦不干枯又不澀惡  
不令不熟寒熱不傷食用無障食已無毒時  
食有毒能令食者腹痛吐下身心逼惱支體  
攣縮熱病顛狂心亂失念共相劫奪鬪諍殺  
生偷盜乃至邪見是諸衆生常與如上惡法



相應所謂若天或龍或夜叉羅刹阿脩羅迦  
樓羅絜那羅鳩槃荼軋闍婆餓鬼毗舍遮或  
富單那或迦吒富單那或人或非人於諸衆  
生不能惱害

多地他 那鼻 摩訶那鼻 初何囉那鞞

河鼻具那鞞去聲僧輸沙拏那鞞 鼻何囉闍

佉鞞 阿婆囉牟尼 多嚧那胡嚧醯呼計反

那他上聲鉢帝利 闍婆徒迷 魔囉娑帝

帝弭羅鉢帝利 蹇荼 涅利何隄 斫初

婆嘶 佉拏上聲毗迷跏上聲帝都裔 莎波呵

鴛求囉跏 莎波呵 布䟽斯耶迷 莎波

呵 頗羅債鞞 莎波呵 薩智耶都裔

莎波呵

賒梨囉

那婆迦羅摩毗沙

莎

波呵

此陀羅尼句擁護國主

莎波呵

汝清淨智此是磨刀大陀羅尼汝以此磨刀

大陀羅尼力於諸衆生能作如上諸大業事

能爲大樂以是因緣故汝今則能令諸衆生

稟受汝化於是是一切諸來大衆讚地藏菩薩

言善哉善哉今時世尊亦讚地藏菩薩言善

哉善哉善男子汝今能爲一切衆生如大妙

藥何以故汝身即是微妙大藥汝於此四天

下一切衆生中衆生之藥能滅一切衆生苦

惱能施一切衆生樂具成就大悲汝能顯示

如是甚深磨刀大陀羅尼力故令此衆生地




味精氣種子芽莖枝葉花果諸味五穀藥草  
而不衰損無毒增長具足成就衆生食者令  
彼衆生穢濁鬪諍悉皆消滅堪修善行於此  
四天下非時風熱寒溫旱潦皆悉消除日月  
星宿晝夜月半月盡時節年歲變恠爲滅此  
故說此磨乃大陁羅尼以此陁羅尼力故令  
我三寶種及以法眼得久住世使此愚闇薄  
福我慢所壞者不修善根惡刹利及諸宰相  
於我如是百千萬億阿僧祇劫精勤苦行所  
集之法不滅不壞比丘比丘尼優婆塞優婆  
夷無有惱亂以無惱故諸天不忿天不忿故  
一切衆生悉皆獲得如上樂具





反 斯 西音 躋 反 丘 支 齋 反 羊 逝 蕪 反 音 蕪 字 必 箇 反 是  
 字 變 縮 總 上 力 皆 誤 也 或 作 輸 式 也 引 反 弥 耳 塞 居  
 屈



猪飼頌良壽附

